

Nyob zoo tav su rau txhua tus.

Ua tsaug uas nej sawv daws tuaj koom peb rau hnuv no. Kuv tuaj ntawm no nrog Colt Gill, Tus Thawj Coj Ntawm Oregon Department of Education (Tsev Hauj Lwm Saib Xyuas Kev Kawm Ntawv Hauv Xeev Oregon), thiab Dr. Dana Hargunani, Tus Thawj Coj Feem Kho Mob ntawm Oregon Health Authority (Lub Tsev Hauj Lwm Muaj Cai Saib Xyuas Kev Noj Qab Haus Huv Hauv Oregon).

Nws twb tsis tau puv ib lub hlis, tab sis kuv hnov zoo li yog ib lub xyoos dhau los lawm, uas kuv tau hais kom txhua lub tsev kawm ntawv hauv Oregon kaw mus ib ntus txhawm rau pab tiv thaiv kev sib kis tus kab mob coronavirus rau hauv Oregon.

Txhij thaum ntawd los, peb tau sau ntxiv lwm tsab ntawv tshaj tawm kom cov neeg nyob hauv Oregon nyob twj ywm rau hauv tsev kom ntau li ntau tau, kaw cov khw noj mov thiab chaw haus dej haus cawv, thiab yuav tsum nyob kom sib nrug deb ntawm lwm tus neeg rau thaum lwm cov khw lag luam nyob thoob plaws hauv lub xeev.

Kuv paub tias qhov no muaj kev nyuaj npaum li cas rau txhua tus neeg nyob hauv Oregon. Thiab kuv thov

ua tsaug uas nej sawv daws tau tso tseg txhua yam los pab txhawb.

Kuv kuj paub tias cov cai txwv uas peb tau tsim los siv yog tseem ceeb rau kev tiv thaiv tam sim no txhawm rau cawm peb txoj sia.

Kuv vam tias kuv yuav ua kom txhua tus neeg muaj kev yooj yim dua qhov no. Thiab kuv xav tias kuv tuaj yeem txo kom tau tej kev nyuaj siab ntxhov plawv uas peb sawv daws coob leej ntau tus tab tom muaj kev ntshais tam sim no. Kuv lub hom phiaj tseem ceeb tshaj plaws ces yog saib xyuas kom cov neeg nyob hauv Oregon noj qab haus huv thiab muaj kev nyab xeeb. Qhov ntawd yog thawj yam nyob ntawm kuv txoj kev xav thaum kuv txiav txim siab txhua zaus.

Kuv yuav ua raws li kuv rab peev xwm kom tau zoo tshaj plaws, Kuv xav kom cov neeg nyob hauv Oregon tau txais cov ntaub ntawv txhua yam uas kuv muaj, thiab tau txais kom sai li sai tau — yog li ntawd nej thiaj li muaj cov ntaub ntawv no thaum lub sij hawm nyuaj no.

Peb xav cia nej los npaj cov kev kawm ntawv rau nej cov me nyuam, thiab npaj saib xyuas kev noj qab haus huv thiab kev nyab xeeb rau txhua tus neeg. Tshwj xeeb mas vim kuv paub tias cov cai caiv nyob kom sib nrug deb ua rau peb cov me nyuam tau tso tseg txhua

yam lawm. Thiab kev plam tsis tau kawm ntawv yog ib qho nyuaj rau peb cov me nyuam kawm ntawv.

Thiab rau lawv niam thiab txiv.

Rau txhua tus niam thiab txiv: Kuv tsis tuaj yeem xav hauv nruab siab tau tias nej tab tom ntsib kev nyuaj dab tsi. Yuav ua kom cov niam txiv muaj sij hawm haum zoo rau thaum lub sij hawm muaj kev phom xij txaus ntshai no, Kuv paub tia nej ntau leej ntau tus tau poob hauj lwm; los sis yog tus neeg muab kev saib xyuas xub thawj; los sis nej tab tom nrhiav kev ua hauj lwm rau hauv tsev nrog cov me nyuam. Tau txhawj xeeb txog lawv txoj kev kawm txhua lub sij hawm, thiab tab tom xav kev kawm ntawv rau hauv tsev.

Qhov no yeej yog ib qho nyuaj heev rau cov niam txiv.

Yuav ua kom tau raws li lub hom phiaj ntawd, Kuv tsis tuaj yeem xav hauv nruab siab tau tias nws yog ib qho txawv rau txhua tus uas peb tab tom ntsib teeb meem tias yuav muab kev qhia ntawv li cas thiaj tau zoo tshaj plaws rau thaum lub sij hawm tshwj xeeb no.

Thaum peb txiav txim siab txhua zaus txog kev kawm, peb yeej xav txog nej cov me nyuam, thiab txhua tus me nyuam kawm ntawv hauv Oregon. Lawv txoj kev noj qab haus huv, kev zoo siab thiab kev nyab xeeb yog ib yam tseem ceeb yuav tau ua xub thawj.

Kuv paub tias muaj ntau yam kev nyuaj siab ntxhov plawv rau yam peb yuav ua mus tom ntej. Kuv paub tias peb cov me nyuam kawm ntawv yeej tag kev cia siab vim lawv plam tsis tau mus kawm hauv chav kawm, tsis tau mus koom saib hu nkauj thiab tej koob tsheej ua kev zoo siab rau kev kawm tiav.

Tab sis yam zoo tshaj plaws uas peb tuaj yeem ua tau yog saib xyuas peb cov me nyuam, thiab ntau txhiab tus neeg kawm ntawv nyob thoob plaws hauv lub xeev kom noj qab haus huv, thiaj tau txiav txim siab tshaj tawm rau hnuv no tias yuav tau kaw kev qhia ntawv hauv chav kawm rau zeeg sij hawm tshuav ntawm lub xyoo kawm no mus ntxiv. Tsev kawm ntawv, thiab kev kawm ntawv, tseem yuav muab kev qhia ntawv sib nrug deb txuas mus ntxiv.

Ib yam muaj nuj nqi tseem ceeb ntawm peb cov tsev kawm ntawv thaum txiav txim siab txhua zaus yog teeb tsa kev kawm thiab qhia ntawv rau cov me nyuam kawm ntawv.

Peb nkag siab txog qhov kev cuam tshuam rau kev kawm ntawm txhua tus me nyuam kawm ntawv. Peb txhua tus pom tias cov neeg muaj kev sib cais nyias nyob nyias thiab muaj kev nyuaj siab, tshwj xeeb mas cov neeg uas nce raws cov tsev kawm ntawv vim yog ib lub chaw rau sawv daws tuaj sib ntsib sib txuas lus tau yooj yim.

Cov kev txiav txim siab kaw tsev kawm ntawv no yeej ua rau txhua lub xeev muaj teeb meem. Kuv txaus siab txog yam peb cov me nyuam kawm ntawv tau tshawb nrhiav lub ntiaj teb tshiab uas lawv tsis paub, thiab kev mob siab pab txhawb los ntawm peb cov xib fwb, cov kws qhia ntawv, thiab cov niam txiv txhawm rau pab ua kom yoog raws tau lub sij hawm nyuaj tam sim no.

Qhov txiav txim siab no tseem ceeb vim tias:

Nws ntsig txog kev nyab xeeb. Nws yog thawj khauj ruam tiv thaiv peb cov me nyuam thiab peb cov xib fwb qhia ntawv. Nws tsis tuaj yeem siv cov cai caiv nyob kom sib nrug deb tau rau hauv peb cov chav kawm thiab peb cov tsev kawm ntawv.

Cov neeg ua hauj lwm rau fab kev kawm ntawv qhia ntawv hauv Oregon feem ntau yog cov neeg laus thiab muaj pheej hmoo yuav raug tus kab mob COVID-19 tau zoo dua. Peb yuav tsum saib xyuas kom muaj kev nyab xeeb zoo rau peb cov me nyuam kawm ntawv, cov xib fwb qhia ntawv, cov thawj coj tsev kawm ntawv thiab cov neeg ua hauj lwm hauv tsev kawm ntawv.

Muaj nyiaj ua hauj lwm rau cov tsev kawm ntawv los npaj qhib rov kawm ntawv dua rau thaum tsim nyog. Kev txiav txim siab kaw tsev kawm ntawv tam sim no, yog li ntawd lub sij hawm seem ntawm lub xyoo kawm

no, peb yuav tau siv sij hawm thiab nrhiav neeg los muab kev qhia ntawv thiab pab txhawb rau peb cov me nyuam kawm ntawv raws li qhov kev kawm ntawv sib nrug deb thiab kawm ntawv rau hauv tsev.

Kuv paub tias qhov no yuav tsis tau raws li peb sawv daws lub siab xav, tab sis nws yog yam txiav txim siab zoo tshaj plaws rau peb feem qhia ntawv thiab kawm ntawv lawm.

Tam sim no yuav hais txog rau cov me nyuam kawm ntawv xyoo kawg ntawm tsev kawm theem siab uas tsuas tshuav ob peb as thiv lawm xwb lawv twb yuav kawm tiav, Kuv xav muab qhov kev npaj nthuav qhia tawm txog yam peb yuav qhia ntawv li cas mus ntxiv rau yav tom ntej.

Oregon Department of Education nrog rau cov xib fwb qhia ntawv thiab cov chaw saib xyuas tsev kawm ntawv hauv ib cheeb tsam thoob plaws hauv lub xeev tau los sib koom tes sau tiav ib qho kev npaj qhia ntawv rau peb cov me nyuam rau thaum lub Peb Hlis Ntuj dhau los lawm, thaum peb kaw tsev kawm ntawv mus ib ntus, thiab tseem yuav muab lwm yam kev qhia ntawv kom lawv kawm tiav.

Txhawj xeeb txog kev muaj tsis sib txig — rau peb cov me nyuam kawm ntawv uas tsis muaj tsev nyob, peb cov me nyuam kawm ntawv txawv tsos nqaij daim

tawv, cov me nyuam kawm ntawv los ntawm yim neeg txom nyem thiab cov me nyuam kawm ntawv tsis taus — yog cov nyob hauv kuv txoj kev xav ua ntej thaum txiav txim siab txoj cai tswj hwm uas cuam tshuam rau cov neeg nyob hauv Oregon. Qhov no yog ib feem ntawm lub laj thawj uas kuv pom tias pab tau qhov kev npaj ua los ntawm peb Lub Tsev Hauj Lwm Saib Xyuas Kev Kawm Ntawv.

Peb txhua tus me nyuam kawm ntawv theem siab xyoo kawg uas yog cov npaj kawm kom tiav ua ntej yuav kaw tsev kawm ntawv thoob plaws hauv lub xeev yuav tau txais tus qhab nia xeeb tau rau lawv cov kev kawm. Qhov no ua rau peb tswj tau txoj cai kev kawm ntawv tiav tam sim no rau hauv Oregon.

Kuv yuav tsis rau lub txim dab tsi rau cov me nyuam kawm ntawv, uas muaj ntau leej ntau tus tau nyob hauv Oregon los ntau dua kaum tawm lub xyoos, vim lawv tsis tuaj yeem mus kawm hauv chav kawm tau thaj tsam li ob lub hlis.

Txawm li cas los xij, rau cov me nyuam kawm ntawv uas lawv xeeb tsis tau rau thaum lub Peb Hlis-nrab, thiab cov uas yuav tsum siv sij hawm ntxiv los kawm thiaj xeeb tau ib los sis ntau hom kawm rau lawv daim ntawv pov thawj kawm tiav, Kuv tab tom hais kom cov chaw saib xyuas tsev kawm ntawv npaj nrhiav cov hauv kev qhia ntawv rau cov me nyuam

kawm ntawv xyoo kawg no kom lawv kawm tiav raws li txoj cai.

Peb cov tsev kawm ntawv yuav tsum tau tsim kho cov kev xaiv qhia ntawv rau cov me nyuam kawm ntawv xyoo kawg no. Peb twb pom peb cov tsev kawm ntawv tsim cov tswv yim zoo los qhia ntawv uas yog cov neeg sawv daws pab saib xyuas thiab ua tau raws li qhov nyiam ntawm peb cov me nyuam. Kuv vam tias yuav tsis muaj dab tsi pab tsis tau kom cov me nyuam kawm ntawv xyoo kawg kawm kom tiav raws lub sij hawm.

Tsis tas li no xwb, kuv hais ntxiv rau daim ntawv tshaj tawm kom ua raws qub rau feem kev kawm ntawv qhia ntawv qeb siab hauv Oregon kom kav tsij qhia ntawv sib nrug deb mus kom txog thaum tus kab mob sib kis no tag.

Tsoom fww cov tsev kawm ntawv qib siab hauv Oregon yuav mob siab saib xyuas cov me nyuam kawm ntawv uas yuav npaj xeem nkag mus tso npe kawm rau cov tsev kawm qib siab ntawm tsoom fww kom muaj kev ncaj ncees vim tau muaj kev cuam tshuam txog xyoo kawg ntawm lawv los ntawm tus kab mob COVID-19.

Yuav tsis muaj ib tug me nyuam kawm ntawv uas raug pub mus kawm rau cov tsev kawm ntawv qib siab ntawm tsoom fww thaum lub caij nplooj ntoos

zeeg yuav los no yuav tau xeem nkag vim muaj kev pauv hloov rau hauv txoj cai muab qhab nia tshiab no, los sis tsis muaj rab peev xwm ua lawv qhov kev kawm kom tiav vim txawm li cas los lawv yeej yuav kawm tiav.

Ib zaug ntxiv thiab, Kuv paub tias kev tshaj tawm kev kaw cov tsev kawm ntawv rau lub sij hawm seem ntawm lub xyoo kawm no yuav tsis yog ib qho xov xwm uas nej xav hnov. Txawm li cas los xij, kuv vam tias qhov kev npaj kawm kom tiav ntawm peb cov me nyuam kawm xyoo kawg, thiab peb li kev mob siab qhia ntawv txuas mus ntxiv yuav daws tau qee yam kev nyuaj siab rau cov me nyuam kawm ntawv thiab cov niam txiv nyob thoob plaws hauv lub xeev.

Kuv xav siv lub sij hawm no ua tsaug thiab nco tus txiaj tus ntsig rau cov kws saib xyuas kev kawm ntawv uas tau los tswj xyuas qhov teeb meem no: peb cov xib fwb qhia ntawv, cov thawj coj tsev kawm ntawv, cov thawj tswj hwm tsev kawm ntawv, cov kws pab tswv yim, cov kws tsav tsheb npav, thiab cov kws npaj zaub mov noj.

Kuv paub tias nej hlub nej cov me nyuam kawm ntawv ntau npaum li cas, thiab nej nyiam kom muab kev qhia ntawv ntau npaum li cas. Qhov no yog ib lub sij hawm nyuaj heev uas ib tug xib fwb qhia ntawv yuav hu thiab qhia ntawv, pab lawv, thiab pab qhia

kom lawv paub ntawv ntau ntxiv rau nej txhua tus me nyuam kom tau txhij txhua.

Kuv nco nej tus txiaj tus ntsig uas tau tawm tswv yim thiab tej kev pab saib xyuas los ntawm pej xeeb sawv daws rau thaum lub sij hawm yuav tau muab khaw ua dab neeg tseg no. Ua tsaug txhua yam uas nej tau ua.